

Колхозникуд болн кӧдлмшчнр

дунд культури кӧдлмш

сӕнӕр кегдджӕнӕ

„Победа“ гидг колхозин цуг члелӱд болн Яшалтинск МТС-н кӧдлӕчнр олт зӱсн кӧдлмш кедж йовцхана. Тӕрӕ тӕрӕд ургъадж авдг, ӱкр мал ӧсгдг, механизатормуд дунд культури бӕӕдл тетглгънӕ кӧдлмшт сӕнӕр оньган ӧгч йовцхана.

Селӕнӕ эдл-ахун кӧдлмшт йовх улсг культури кевӕр бӕӕлгън, тедниг алык-нег кергтӕ хамгарн тетгх, кино ӱзӱлдг, дегтр, газет умшх библиотек, радио болн нань чигн кергтӕ хамгн кӱцц бӕнӕ.

Соленовск селӕнӕ культури Герин директор ӱр Базюк Иван Митрофанович, библиотекд кӧдлдг ӱр Карпенко Варвара болн Мазина Клавдия гидг улс колхозникудиг болн МТС-н кӧдлӕчнриг культури тӧрӕр тетглгънд шунмгъа кевӕр орлджд йовцхана. Эн селӕнӕ культури Герин кӧдлӕчнр колхозникуд болн МТС-н кӧдлмшчнр дунд культури болн цӕӕлгъврн кӧдлмш таслвр угагъар кедж йовна.

Культури Герт дегтр, газет болн журнал умшх зал бӕнӕ. Тер умшлгъна заалд сӕн кӧдлмшин хӧн колхозникуд болн МТС-д кӧдлдг кӧдлмшчнр эврӕннъ сул цаган культури кевӕр олзджд ӧнӕргӱлнӕ. Эн заалд шатр, дӧбв болн домино наадцхана.

Селӕнӕ культури Герт ӧдр болгън кино ӱзӱлнӕ. Кино ӱзӱлхин ӧмн колхозникудт, кӧдлмшчнрт КПСС-н райкомас, колхозин болн эклц партийн организацас ирсн кӱн таслвр уга лекце болн докладс кецхӕнӕ. Кӧдлмшт болн тӕрӕ хуралгъна цагла полеводческ болн тракторн бригадсин культстансар дуудвр, пла-

катс, эрсин газет болн боевой листокс бичлж гаргъцхана. Дакад эн тракторн болн полеводческ бригадсар 13 концерт тӕвдж ӱзӱлв.

Селӕнӕ культури Герин совет шог-хӧкрллгънӕ эрсин газет гаргъна.

Январь сарас авн июлин нег шин кӱртл 20-гар лекце болн докладс кегдсн бӕнӕ. Эн селӕнӕ культури Гер кино ӱзӱллгънӕ зурагъан 110 процент кӱцӕдж.

Селӕнӕ культури Герт олт зӱсн кружокс бӕнӕ. Ӱлгӱрлхд, драматическ, ду-дууллгъна, би-бириллгънӕ, ури келнӕ умшлгъна, хувц ишглгънӕ, уйлгъна кружокс кӧдлджӕнӕ. Тер кружоксг 73 кӱн сурчана.

Алдр Октябри 40-ч ӧбнд нерӕджд, август болн октябр сармудт, гражданск дӕӕнд орлсн улсга харгъдж кӱӱндвр кехӕр бас темдглгдджӕнӕ.

Тракторн, полеводческ болн ӱкр-мал хӕладж йовх бригадсг кӧдлджӕх улс ик диилврмӱдтӕ, кӱцлмӱдтӕ болхин кергт культури тетглт сӕнӕр бӱрдӕх берк тӧр болджана. Кеер бӕӕх станмудт дегтр, газетс цаг деерн кӱргджд ӧгх, культури алык-нег тоотарн тетгх тӧриг, эклц парторганизаци болн культури Герин кӧдлӕчнр бат гартан авцхадж, тер кергиг ӧдр-бӱӱрд тооллго кӧдлджд йовцхана.

Советин кӱч-кӧлсч олиг соньн сӕн, нӕри, гӱн кевӕр культури халхарн Соленовск селӕнӕ культури Герин кӧдлӕчнр ӱӱрмӱд Базюк Иван Митрофанович, библиотекармуд Карпенко Варвара болн Мазина Клавдия гидг улс сӕнӕр кӧдлджд йовцхана.

БАКАН АНЬГЪРГ.